

Schureluopen (Autor: Nis Albrecht Johannsen d. J.)

Hoisa, hure! hoisa, hure!
Diling wjarn we aw e schure.
Hü we ou'r e sådik gloiden,
Hü we ma e ärme swoiden.
Grut än latj än jung' än üülje –
Niimen leet ham ine hüülje.
Uk di latje Boi
Wus ma aw e stroi,
Än di latje Nis
Såch ik uk aw't is.
Pikstook twasche biine
Uugd'r ätj åliine.
Än we oudre önj en lank
Fluuchen ouer't is sü blånk –
Spaalden „iskåt“, spaalden „tik“,
Niimen lüp sü gau as ik.
Hoisa, hure! hoisa, hure!
Mjarne wal'k wi aw e schure!

(In: Johannsen, Nis Albrecht. 1956. *Beerid*. Naibel: Andresen. S. 28.) [Auch in: *Üt mjarsch en maure 1*, S. 47 und in *Stobe an kiming*, S. 45]